يَا أُمِينَ الله وَأَمانَه يَا عَلِى وِانتَه الضَّبَانه بسَاعَة احسَاب نَوّر اكتَابي

چفة اننوبي عليه اشكه ثجيلة واكف اباب الرجا ما عندي حيلة امصيبتي يا بو الحسن والله جليلة النجاة أصبحت چنها مستحيلة

واقف أتخيل مصابي تأخذ ايساري كتابي واعتقادي ابيمنتي اكتابي أشيله رحت أنا الساعة حسابى والملك ينطر جوابى كتابى أسود لا عمل عندي ووسيلة

واكف اباب الأمل وأتخيل أمري هذي أعمالي وكتابي شنهو عذري وانه بالتسويف كضيت آنه عمري خلصت الدنيا عليه وآنا مدري

وانتهت فجأة حياتي وانه مشعول ابمماتي يا عمل ينفعني وانه ابوسط قبري أخجل أذكر سيئاتي انغلكت أبواب أمنياتي كل جبال الدنيا أحسها فوق صدري

آنه اللي ما وفيت وعدي والخالفت كولي وعهدي وهاي آنه لا أعمال عندي وحدي وأصفح راح ليدين وعدي الكطعته او ما وفيته يا حسرتي من الجنيته اكتابي ابذنوب آنه مليته وين ألكه يا رب قرة العين لن صارخ امن ابعيد اجاني يا مذنب أدري بك تعاني بس أرد أسالك عن مكانى ابكلبك، اجيتك أوفى لك دين

انت اتعرفني لو شفتني كنت انا وياك ابدفتر حياتك انت التكاسي كل مآسي وآنه بدماك حتى مماتك آنه الولاية والحمايه أبد ما أنساك في معضلاتك للجنه جيتك هذي بيتك عطني يمناك صلك النجاتك

يَا أُمِينَ الله وَأَمانَه يَا عَلِى وِانتَه الضَّبَانه بسَاعَة احسَاب نَوّر اكتَابي

من يضـم أولاده ابچفه الرحيمه اشلون حالى أصبح بعد عينك يتيمة

عيشتى كلفة بلياك وأليمه والله ماتم حزنى من بعدك لجيمه الأبو يا بو الحسن عالعيلة خيمه زينبك آنى أكاسى امن الهضيمه

يا الأبو أطلب أمانك

امنين اجيب آنه حنانك والله حيرنى امتصانك ويبقه لى خالى مكانك

چني ورده وذابله ومحتاجه للماي

والله لو تقبل يبويه ولو على اهواي

ما أعيش الدنيه إلا وانته وياي

آنى معلولة كلب ما يحصل ادواي

انى بقواس المنايه امصوبه احشاي انى يابويه العزيزه وضايع احماي وچم سـهم ينغرس بيه

أدري بعدك چم رزية وتدري يا حامي الحمية عن مصاب الغاضرية

وكلها كلامج يفتح اجروح وانتي العقيلة الهاشمية انتي في عين الله وأمانه رايح إلى الجنة العلية إيمان وتقوى وعفة واحجاب

غمضها عينه ودمعه مسفوح انتى العزيزة ومهجة الروح أوصييج او حفظي هالأمانة بوداعة الباري وأمانة أعطاج إلهي جملة أسباب یا یهزمچ یا زینب امصاب

ما تهزها لالام ما تنكس الهام تقهر الظلام مرمى اعله لرغام

وانتي الأبية الحيدرية

انتي الأبية الهاشمية الترفع الراس وانتى السبية العلوية ابشدة الباس صوتج رساله اعله الضلاله ابقوة امراس وأما اليكفلج ما يظل لج أعنى عباس

يَا أُمِينَ الله وَأَمانَه يَا عَلِي وِانتَه الضَّبَانِه بسَاعَة احسَابي نَوّر اكتَابي

واعله روحك صلت الروح الحزينه

يا على ونورك هداية نعمه من الله الولاية

والمحب معروف من غرة جبينه انت من الباري آية تسطع ابوجه الغواية واعله كل الناس آياتك مبينه

يا على نال اليحبك قرة العين ونال رضوان السمه وراحة الدارين ينكتب يالاسمه حرز امن الشياطين

اسمك ابماي الذهب يا أبو السبطين

يا على ابنورك يمولانه اهتدينه

نغرف امحبتك ومنك ما ارتوينه

وحدك اتزلزل أعادي الملة والدين بس تصيح الشيعة وينك يا ابوحسين

وانته للشيعه مددهم تحضس بلحظة شددهم

اسمك أقوى من عددهم واحد انته وچم فرد هم

انظر الينه يا ولينه وصارت دمانه ابكل فلا تسيل منك أخذنه كل صبينه ذبح وحبس تشسريد وتنكيل ونبكه اعله حبنه وما نتغير چنه الدما اطيور الأبابيل

ما تنحصى اجروح اللي بينه غارت أعادينه علينه رادونه نركع ما ركعنه ابوجه الرده اوكفنه وصحدنه لنه نحبك نصب أكثر دمنه اعله كاع الموت زمجر

ما غييرونه ولو ينبحونه وخل يسمعونه للحاربونه لو حاصرونه وأرهبونه اجيوش عدوان حبك تجذر ميتغير طول لزمان حبك وديعه وما نبيعه وهو إيمان انته السفينه يا ولينه وانته برهان